

重刊道藏輯要

太上老君說常清靜經註

瑩蟻子李道純註

老君曰大道無形生百天地大道無情運行日月大道無名長養萬物吾不知其名強名曰道

總言可道即非常道既不可道何以名道嘆其道道之一字已過了也視之不足見聽之不足聞搏之不可得用之不可既惟惚惟恍不屬聲聞曰希曰夷無有定體若作聲聞會不足以成道若作定體求不足以應變道雖無形因天地生百其形可見道雖無情推日月運行其情可察道雖無名窮萬物長養其名可立易繫云在天成象在地成形變化見矣非

道藏輯要

清靜經

壹

尾集一

道之形乎又曰鼓之以雷霆潤之以風雨日月運行一寒一暑非道之情乎又曰乾道成男坤道成女非道之名乎道本無名聖人強立名道者通天下之萬變歸天下之殊途坦平歸直大路之謂也

夫道者有清有濁有動有靜天清地濁天地靜男清女濁男動女靜降木流末而生萬物清者濁之源動者靜之基人能常清靜天地悉皆歸

鴻蒙未判動靜之理已存清濁既分動靜之機始發清而昇者曰天濁而降者曰地天地一團圓一陰陽互動互靜機絨不已四時成焉百物生焉天地之性人為貴人於物之最靈

正一天師清微弟子洪百堅 製作

道教學術資訊網站

男法天女法地男清女濁即天地昇降也男動女靜即天地闔闔也天地網緼萬物化生降木流末生生化化而無有休息太上始言無形無情無名天地之始次言有動有靜謂有名萬物之母也若復有人知此兩者同出異名則知清濁本一動靜不二流雖濁而其源常清用雖動而其體常靜清靜久久神與道俱與天地為一

夫人神好清而心擾之人心好靜而慾牽之若常能遣其欲而心自靜澄其心而神自清自然六慾不生三毒消滅

有道之士常以道制慾不以慾制道以道制慾神所以清心所以靜至道與神悉混淪淪周乎三才萬物應變而無窮

道藏輯要

清靜經

二

尾集一

至廣大盡精微矣苟以慾制道失道者也失道之士欲心一萌無所不至名利牽於外念慮萌於內心為物轉神為心役心神既不清淨道安在哉常能制慾則歸心不動歸心不動則自然澄澄湛湛絕點翳純清復其本然清靜之大矣何慾之有易傳云山下有澤損君子以慾忿窒慾其斯之謂歟所以不能者為心未澄慾未遣也能遣之者內觀其心無其心外觀其形無其形遠觀其物物無其物三者既悟惟見於空

太上云清靜為天下正所謂正者至公無私也惟天理之至公為能勝人欲之至私世人所以不能造道者非不能也為

物慾之所眩也。絕慾之要，必先忘物。我者，內忘其心，外忘其形，遠忘其物。三者既忘，復全天理。是名大即見止之義也。易云：其肯不獲其身，行其庭不見其人。無咎。其肯即內觀其心，心無其心，也不獲其身。即外觀其形，形無其形，也行其庭不見其人。即遠觀其物，物無其物，也無咎。即無欲也。太上云：咎莫大於欲得。即此義也。至於物欲見空，則清靜之天復矣。

觀空亦空，空無所空。所空既無，無亦無。無既無，湛然常寂。寂無所寂，欲豈能生？欲既不生，即是真靜。真常應物，真常得性。常應常靜，常清靜矣。

道藏輯要

清靜經

三 尾集一

攸攸萬事，總是空一。以貫之終歸無物，此道慾之要也。以空道慾，慾既不生，所空亦無。空既無矣，無亦無也。無無既無，湛然寂然，湛寂亦無。是名真靜。湛然常寂者，凝神入空寂也。寂無所寂者，融神出空寂也。所謂真靜，非不動也。若以不動為靜，則是有定體也。有定體，則不足以應變。所以真常應物，真常得性者，動而應物，而真體不動也。作如是見者，常應常靜，常清靜矣。

如此清靜，漸入真道。既入真道，名為得道。雖名得道，實無所得。為化眾生，名為得道。能悟之者，可傳聖道。

寂然不動，為體感而遂。通為用，是名真靜。至於體用一源，顯

正一天師清微弟子 洪百堅 製作

道教學術資訊網站

微無間，真常之道得矣。得之一字，亦是強名。若謂實有所得，則不足以為道。聖人推恐世人不知，有無相生之理，落斷常邪見，故以得道委曲成全，使其積漸而至頓成也。至於聖而成之，不言而信。聖道可造也，所謂傳者不傳之傳也。聖道首聖而不可知之謂也。

名道德
老君曰：上士無爭，下士好爭。上德不德，下德執德。執德者，者不

遵儒畫不爭之言，行釋經無爭之行。此一法出於無法，洞觀冥契，是名上士也。下士則不然，下士之心，好勝常自滿自見，是自矜伐致爭之由也。縱有微善執為己德，吾必謂之無也。

道藏輯要

清靜經

四 尾集一

上士返是上士，晦德以謙，自牧不自見，是不自矜伐。夫惟不爭，故天下莫能與之爭。太上所謂上德不德，是以有德。即此義也。執善之者，德尚不明，何以明道哉？

眾生所以不得真道者，為有妄心。既有妄心，即驚其神。既驚其神，即著萬物。既著萬物，即生貪求。既生貪求，即是煩惱。煩惱妄想，發苦身心，便遭濁辱。流浪生死，常沉苦海，永失真道。

下士好爭執，德為有妄心，所以然也。古德云：常滅妄心，不滅照心。一切不正之心，皆妄心也。一切不動之心，皆照心也。妄想一萌，邪正分樞機。一發榮辱，判可不勉哉。妄心不止，生種種差別。因緣至於涉穢，途觸禍機，落陰趣，未有不始於妄心。

也學道之士固當謹始始若不謹焉得有終妄念始萌不日知覺神爲心役心爲物牽縱三尸之熾盛爲六慾之擾攘豈得不著物耶著物之故貪求心生貪求即是煩惱妄想種種相緣無由解脫至於憂苦身生便遭濁辱流浪生死常沉苦海永失真道良可悲哉所以妄想之心輪迴之根本也眾生所以不得真道者爲妄想心不滅所以然也

真常之道悟者自得得悟道者常清靜矣
見在此身亦從妄想中來身生而後有情緣情緣而後有憂苦妄增緣起直入輪迴前無始而後無終者舉世皆然惟悟道者照心常存照破種種緣相皆是妄幻勿令染著照心既

道藏摘要

清靜經

五

尾集一

存妄心無能爲也久久純熟決定澄清靜身作是見者真常之道得矣所謂照心者即天心也真常者即無妄也了悟此心則無妄之心復矣無妄之道成矣無妄所以次復也易曰復其見天地之心乎到這裏纖芥幽微悉皆先照至於如如不動了了常知至覺至靈常清靜真常之道至是盡矣聖人能之

正一天師清微弟子 洪百堅 製作

道教學術資訊網站

太上老君清靜經圖註序

夫鴻濛分判、陰陽始列、輕清上浮者爲天、其質陽也、重濁下凝者爲地、其質陰也、清濁相混者爲人、其質陰陽合並、惟人稟乾坤而交、以成性、受陰陽而感、以成形、得五行之化育、而五臟五德五靈由斯而全焉、受六合之交感、而六腑六根六神由斯而備焉、列三才之品、爲萬物之靈、世間難得者人也、人生難得者道也、夫人與天地同才、而不能與天地同長久者何也、皆因不知消長之理也、人與佛仙同體、而不能與佛仙同超證者何也、皆因不知先天之道也、

也、人與君臣同形、而不能與君臣同富貴者何也、皆因不知積德之功也、人與萬物同性、而不能與萬物無傷者何也、皆因不知惻隱之心、然而不知消長之理、與先天之道、積德之功、惻隱之心、則天堂路塞、地獄門開、也是故、

太上道德天尊廣發慈悲之念、大開方便之門、著清靜之經、演長生之訣、流傳天下、廣佈四海、指開雲路、化醒原來、其經至簡、主易極玄、極妙、其句九十有六、正合九六原人之數、以應乾坤之卦也、其字三百九十有四、除開河圖生成之數、以應八卦之爻也、又得、混然子之慈悲、以列圖象、

正一天師清微弟子 洪百堅 製作
道教學術資訊網站

更伏、水情子之聖才、以增註解、共分二十四章、而章章珠璣、同泰二十四圖、而圖圖派衍、條分縷晰、剖切詳明、乃度人之寶筏、醒夢之良鏡、救人之靈丹、昇仙之階梯也、實爲慕道之禪杖、辯真之藥石、勞勞之斧鉞、照照之炬燈、也是道則進、非道則退、言雖淺近、理數顯微、若有善緣得遇、便是三生有幸、須當盟手、恭讀理宜、仔細體閱、不看之時、高供神堂、則有丁甲守護、更能鎮宅驅邪、早晚誦還、可消災解厄、積德感天、自有明師相遇、低心求指、經中之玄、下氣懇傳、先天之道、照經修煉、功果全備、在儒可以成

二

聖、在釋可以成佛、在道可以成仙也、若是天下同人、依是經而尊之、得是道而修之、千難不改、萬難不退、日就月將、三千功滿、八百果圓、丹書下詔、脫殼飛昇、逍遙天外、浩劫長存、豈不美哉、不負

太上度人之憂心、以愈聖德之慈意、學者其毋忽焉、此是道德天尊之厚望也、夫是爲序

昔

甲辰年乾月望日

文昌帝君序於朝陽古洞